

1 Nua duess jau deponer la tschendra?

2 Nus essan puspè ina giada en viadi per ir enta Ramoz. Noss satgados èn grevs, e nus
3 essan gia trais uras sin via, e realisain adina dapli, co che la chargia ans strocla. La senda
4 tras il „Welschtobel“ ans maina per lung da l'auai enfin al „Sandböden“ dadens. Là
5 faschain nus ina pausa. Quest mument che nus vulain ans tschentar, vegni endament a
6 mia dunna la platta da chadafieu. Ella n'era betg segira, sch'ella l'haja stidada, suenter
7 che ella aveva fatg il té. Mia reacziun n'è betg gist stada amicabla. Sco pumpier
8 enconusch jau il privel da plattas ardentas. Ed jau fatsch quitads. Ma tge duess jau far?
9 Duess jau turnar a chasa per guardar che tut saja en urden? Quai na fa nagin senn. Sche
10 la chadafieu arda, sche arriv jau tuttina memia tard per far insatge. Nus ans decidain dad
11 ir vinavant.

12 Ina mes'ura pli tard vesain nus in viandant che vegn encunter. Jau hai l'intenziun da
13 trametter cun quel ina comunicaziun per Hans Caspar, noss vischin. Quel ha ina clav
14 per nossa chasa ed è franc pront da guardar, sche la platta è stidada u betg. Cura che nus
15 scuntrain noss alpinist, faschain nus puspè ina experientscha malempernaivla. El
16 discorra mo anglais! Jau hai anc mai dà fadia d'emprender questa lingua che ma dat sin
17 la gnerva. Ussa però fiss jau cuntent, sche jau savess in pèr plets. Da tut quai ch'el ans di,
18 chapin nus mo «Valsana». Pli probabel è l'Anglais giast da l'hotel Valsana. Il directur da
19 quel è in bun enconuschent da mai. «A quel pudess l'Anglais purtar in pèr lingias cun il
20 giavisch da telefonar a Hans Caspar e da l'orientar dal cuntegn da nossa notizia», ma vai
21 tras il chau. In'idea grondiusa! La situaziun è salvada.

22 Ma danunder duess jau prender in rispli ed in toc palpieri? En il satgados na chattain nus
23 nagut. Cura che nus avain pachetà quai che nus duvrain per quatter emnas, avain nus
24 pensà a tut quai che po capitar. Ma betg al material da scriver. En situaziuns criticas
25 chatta mia dunna adina ina soluziun. Dad ella poss jau ma fidar. Era ussa chatta ella l'ov
26 da Columbus. Cun il lefzagl scriva ella la comunicaziun sin in faziel da nas da palpieri.
27 L'Anglais na fa betg mucs. El guarda tge che mia dunna fa, cun ina tschera, sco sche quai
28 fiss per el il paun da mintgadi. El metta il fegl en giaglioffa e di adia, naturalmain per
29 anglais.

30 Jau passent ina lunga notg. Sin far di ma met jau en viadi cun mes chaun Molly vers il
31 «Erzhornsattel». Il sulegl e nus dus arrivain ensemen sin il fil. Da la cresta davent poss

- 32 jau survesair l'entira vischnanca d'Arosa. Cun il perspectiv guard jau giu sin nossa chasa.
33 Ella stat anc adina. Dal plaschair vuless jau dar in givel. Ma quai na fatsch jau betg,
34 perquai che jau na vi betg disturbar il paus da la damaun.
- 35 La saira vegn Hans Caspar nunspetgadamain en tar nus en chamona. Ch'el saja mo vegnì
36 per s'infurmar, nua ch'el duaja metter la tschendra da la chasa, di el riend.
37 I na dat nagut meglier ch'in bun vischin.

(Da : Martin Raschèr, Ova da savun/Seifenwasser. Istorgias cuortas/Kurzgeschichten. Cuir, 2012)

Suttascripziun candidat(a):

Lieu / data:

Rumantsch grischun

Durada: 90 minutas

puncts total: 100

chapientscha da text: 25 produenziun da text: 25 stgazi da plects: 25 grammatica: 25

1. Correctura: puncts cuntanschids total: _____

chapientscha da text: ____ produenziun da text: ____ stgazi da plects: ____ grammatica: ____

Visum: Data:.....

2. Controlla: puncts cuntanschids total: _____

chapientscha da text: ____ produenziun da text: ____ stgazi da plects: ____ grammatica: ____

Visum: Data:.....

3. Controlla posteriura: puncts cuntanschids total: _____

chapientscha da text: ____ produenziun da text: ____ stgazi da plects: ____ grammatica: ____

Visum: Data:.....

--

1. Chapientscha da text

1.1. Dumondas pertutgant il text

Respunda uschè exact sco pussaivel a las suandantas dumondas che stattan en connex cun il text che ti has legì.

Per mintga punct stas ti chattar e nudar in argument!

Adatg! Las respostas ston vegnir formuladas cun frases entiras!

1. Pertge na turnan il raquintader e sia dunna betg a chasa en questa situaziun critica, ma van vinavant?

1 p	
-----	--

2. Tge munta la frasa: "Era ussa chatta ella l'ov da Columbus"? Tge vul l'autur dir cun quai? Tgi è manegià cun 'ella' ? (lingias 25-26)

2 p	
-----	--

3. Las duas personas fan duas "experientschas malempernaivlas" (lingia 15). Tgeninas èn quai?

2 p	
-----	--

--

4. Co communitgescha il pèr cun l'Englais?

1 p	
-----	--

5. Tge spetga il raqintader exact che l'Englais fetschia?

2 p	
-----	--

6. Tge spetgan il raqintader e sia dunna ch'il directur da l'hotel fetschia?

1 p	
-----	--

7. Sa fida il raqintader tschient per tschient che l'Englais haja chapì tut ed infurmeschia il vischin? Pertge bain u pertge betg?

1 p	
-----	--

8. È la chasa arsa? Pertge gea / pertge na?

2 p	
-----	--

--

9. Tge opiniun ha il raqintader davart la lingua englaisa? Inditgescha passaschas dal text che mussan quai!

2 p

10. Pertge è la notg dal raqintader lunga?

1 p


11. Constattan las suandantas pretensiuns tenor il text che ti has legi? Inditgescha schebain las singulas pretensiuns qua sut èn gistas, falladas, u sch'ins na chatta nagina resposta en il text (betg cler). Ti dastgas far mintgamai mo ina crusch per lingia.

	vair	betg cler	fallà
Curt avant che partir ha la dunna fatg sco davos il gentar sin la platta en chadafieu.	<input type="checkbox"/>	<input type="checkbox"/>	<input type="checkbox"/>
La dunna dal raqintader na sa betg englais.	<input type="checkbox"/>	<input type="checkbox"/>	<input type="checkbox"/>
Il raqintader e sia dunna èn per quatter emnas davent da chasa.	<input type="checkbox"/>	<input type="checkbox"/>	<input type="checkbox"/>
Il raqintader e sia dunna n'èn betg sulets sin viadi.	<input type="checkbox"/>	<input type="checkbox"/>	<input type="checkbox"/>
Il raqintader e sia dunna èn sin viadi vers l'hotel Valsana.	<input type="checkbox"/>	<input type="checkbox"/>	<input type="checkbox"/>
Hans Caspar è il meglier ami dal raqintader.	<input type="checkbox"/>	<input type="checkbox"/>	<input type="checkbox"/>
La chasa dal raqintader sa chatta en la vischnanca d'Arosa.	<input type="checkbox"/>	<input type="checkbox"/>	<input type="checkbox"/>
L'Englais ha chapì tge che las duas personas vulevan dad el.	<input type="checkbox"/>	<input type="checkbox"/>	<input type="checkbox"/>
Senza perspectiv na vesa il raqintader betg sia chasa.	<input type="checkbox"/>	<input type="checkbox"/>	<input type="checkbox"/>
Il vischin porta la tschendra da la chasa en chamona.	<input type="checkbox"/>	<input type="checkbox"/>	<input type="checkbox"/>

10 p

 **Chapientscha da text: 25 p**

--



2. Producciun da text

“Quai avess pudì finir en ina catastrofa/disgrazia!”

Descriva ina situaziun vaira u inventada, nua che ti u outras personas has/han gi cletg ch'i na betg dà ina catastrofa/ina disgrazia. Descriva en il text era ils sentiments da las personas pertutgadas.

- *Scriva in text cun almain **200 plets** en frasas entiras e bain formuladas!*
- *Guarda da duvrar in stgazi da plets varià e da betg repeter trasora ils medems plets!*
- *Structurescha bain il text e differenziescha mintgamai sco emprim la **situaziun ed alura la reacziun!***
- *Metta in **titel** che va bain cun il text!*

--

Quants peds has ti duvrà?
Inditgescha qua il dumber:

_____ peds

<i>cuntegn:</i>	10 p	
<i>stil:</i>	5 p	
<i>grammatica:</i>	5 p	
<i>ortografia:</i>	5 p	
TOTAL:	25 p	

 **Producziun da text 25 p**

--

3. Stgazi da pleds

I suonda varsaquantas dumondas da vocabulari.

3.1. Sinonims

*Inditgescha mintgamai in **sinonim** (pled/expressiun da la medema muntada) per ils suandants pleds (exempel: sa tschentar – seser, magher – satigl).*

1. (lingia 1) deponer _____
2. (lingia 18) directur _____
3. (lingia 21) salvar _____
4. (lingia 24) pensar _____
5. (lingia 24) situaziun _____

5 p	
-----	--

3.2. Antonims

*Inditgescha mintgamai in **antonim** (pled/expressiun cun ina muntada cuntraria) per ils pleds inditgads (exempelgrond - pitschen; betg lubi: grond – betg grond).*

1. (lingia 6) stidar _____
2. (lingia 9) turnar _____
3. (lingia 19) enconuschent _____
4. (lingia 21) grondius _____
5. (lingia 33) plaschair _____

5 p	
-----	--

--

3.3. Explicaziun da plects

Declera cun frastas entiras e correctas las suandantas expressiuns che cumparan en il text.

1. (lingia 12) l'intenziun	
2. (lingia 13) il vischin	
3. (lingia 15) l'alpinist	
4. (lingia 16/17) dar sin la gnerva	
5. (lingia 21) l'idea	

10 p

3.4. Locuziuns figurativas

Stritga mintgamai quellas duas frastas che na van betg a prà cun la muntada da la locuziun figurativa.

Exempel: **Esser en la buglia.**

Avair in problem.

~~Betg vegnir tras la buglia.~~

~~Betg vegnir cun ils chalzers or da la merda.~~

1. Star **sin agens pes.**

Ir cun ils pes ensi.

Esser independent.

Savoir ir sez.

2. Oz ha il scolast **lavà** a mai **las ureglias** sco ch'i tutga.

Lavar or bain las ureglias ad insatgi.

Sa vilar fitg sin insatgi.

Laschar ir insatge dad ina ureglia en e da tschella anor.

--

3. **Sufila en pigna** cun tia rauba.

Preparar la rauba per dar fiu.
Metter la rauba en pigna e dar fiu.
Prender la rauba ed ir danunder ch'ins è vegnì.

4. La mamma supplitgescha ses uffants: **faschai sco la glied.**

Far pulit.
Sa depurtar sco la biestga.
Far da sturn.

5. I **plova sco cun sadellas.**

I tuna e chamegia.
I plova e dat suleagl.
I plova fitg.

5 p	
-----	--

 Stgazi da plets total 25 p	
---	--

--

4. Grammatica

4.1. Transfurmazion da plets

Cumplettescha la tabella cun ils plets che mancan. Scriva mintgamai mo in pled en la largia!

	substantiv (betg in verb u adjectiv substantivà, damai betg 'il luvrar' u 'il stgir')	adjectiv/adverb	verb
Exempel	correctura	correct	curreger
1.		segir	
2.			realisar
3.	setgira		
4.		ruassaivel	
5.	critica		
6.			precisar
7.		chapaivel	
8.		descriptiv	
9.			fidar
10.	fradaglia		

10 p	
------	--

--

4.2. Furmas grammaticalas

Metta il verb en parentesa en la furma inditgada da vart dretga!

1. Nus (ir) _____ damaun sin viadi.	futur
2. Els (betg vulair) _____ disturbar.	imperfect
3. Jau (decider) _____ dad ir vinavant.	perfect
4. Nus (betg discurrer) _____ englais.	preschent
5. Ellas (chaminar) _____ cun mai.	plusquamperfect
6. (Ti: avair) _____ l'impressiun d'enconuscher el?	perfect
7. Finalmain (ti: udir) _____ nus.	preschent
8. Ussa fissan nus cuntents, sche nus (enconuscher) _____ in pèr plets englais.	cundizional
9. Vus (vesair) _____ in viandant.	futur
10. Dad ella (jau: pudair) _____ ma fidar.	cundizional

10 p

--

4.3. Ortografia

Qua sut èn pliras frasas che cuntegnan sbagls d'ortografia. En tut sa tracti da 10 sbagls. Ina frasa po cuntegnair plirs sbagls, ed i dat era frasas senza sbagls d'ortografia.

Suttastritga il sbagl e curregia el. **Adatg!** Ti dastgas mo curreger sbaqls d'ortoqrafia, dentant beta remplazzar in pled cun in auter.

Exempel: Jau avess ina stria temma en ina tala situaziun. (correct fiss: tema)

Adatg!

En il text datti diesch sbagls. Ti dastgas perquai era far mo 10 correcturas. Sche ti suttastritgas dapli puncts, perdas ti puncts.

El ha tramess ina bref a ses padrin.
Tge fradaia ch'igl è stà l'emna passada.
Margarita sbragieva quai ch'ella pudeva.
Ils africans han musica cun bler ritmuss.
L'automobilist ha survegnì in detg chasti.
Il princi ha fatg entrar la bella matta.
Mia mamma ha fatsch in bun gentar.
Suenter gentar han ellas cumenzà a cuser il vestgi.
La polizeia controllescha mintga di il trafic sin via.
Il palpieri era stgarpà en tanta tocca.

Scriva la furma correcta dals 10 sbagls che ti has chattà en la tabella sutvart:

1. sbagl:	
2. sbagl:	
3. sbagl:	
4. sbagl:	
5. sbagl:	
6. sbagl:	
7. sbagl:	
8. sbagl:	
9. sbagl:	
10. sbagl:	

5 p

 Grammatica 25 p

 Total 100 p